

高平縣志卷之十

藝文志

薇階藥院驚摛藻之才名山大川誇作賦之手期與
班馬齊驅韓蘓並駕寧獨連篇累牘績風雲月露之
形已乎千首而輕萬戶萬卷不易百城此非金玉爾
音什襲藏之也亦欲其知著書立說之重爾志藝文
詩

高平縣東私路

唐李賀

高平縣志

貞集

卷十

一

侵侵榭葉香木花滯寒雨今夕山上秋永謝無人處
石礮遠荒澀棠實懸辛苦古者定幽尋呼君作私路

長平吊古

明大中丞蕭啓

驛路臨長平驛亭繞古木風葉落寒濤雲林接幽谷
丹河留舊名戰場作新陸嗟彼趙公子枉爾父書讀
臨陣無計謀一敗身即仆遂致不仁徒得以肆驕
四十萬雄兵僅留一百卒枯骸盈野疇英雄依草木
逝水咽不流毋言可三復

勉學諸生

御史史可行

大明光 絃吾皇聖天縱撥亂開太平嘉祥致麟鳳
輔治求文儒寸能俱錄用乘驄過雷封少緩青絲鞵
縣官竚郭門知法禁迎送相隨謁泮宮興伏禮云中
濟濟來珮巾瑯瑯奏絃誦載瞻先達祠人物列唐宋
玉立廟廊姿名成摠鄉貢古今時則殊道義人所共
諸生繼芳躅美質皆出衆明堂若需材期爾作梁棟

璩節婦瑞芝墓

縣尹劉鳳池

高平縣志

貞集

卷十

二

桑鶉貽 刺女子甘和同大節棄塵土誰能起頽風
貞哉邵子婦遭涉多艱窮殘燈照深閨秋壁鳴寒蟲
嗟嗟未亡人九原信可通震雷轟景臺齊史眈天功
靈苗豈無謂而產佳城中九莖絢幽谷五色耀晴虹
天桃耻凋落願比蘭桂叢馨馥流千古令名與之同
嗤彼濮上女何殊犬彘行陰柔性易轉書為座右

勸學

宋學士黃 廉

河東人物氣勁豪澤州學者如牛毛大家子弟弄文

其次亦復誇弓刀去年校射九百人五十八人同
賜 今年兩科取進士十子釣海登靈鰲邇來習俗
益遷善家家門戶爭相高駟兒市上買書讀寧使田
間禾不薈我因行縣飽聞見訪問終日 勤勞太平
父老知此否語汝聖世今難遭欲令王民盡知教先
自鄉里蒸群髦古云將相本無種從今着意鞭兒曹

長平戈頭

明誠意伯劉 基

長平戰骨烟塵飄歲久遺戈金不銷野人耕地初拾

高平縣志

貞集

卷十

三

得土花漬出珊瑚色邯鄲小兒強所事枉使泥沙埋
利器四十萬人非少弱勇却賢愚一朝集陰壑血浸
秋復春朽壤蝕盡蒼苔痕沉埋長愧杜郵劍廢墜空
憶椿餽人故堞中宵鬼神入雲窻月暗戈應泣當時
豈無牧與頗戈乎不遇可 何

長平箭頭

誠意伯劉 基

漆灰骨末丹水砂淒淒古血生銅花白翎金幹雨中
盡直餘徑 殘狼牙我來訪古收斷鏃折鋒

到肉古色慘淡凌風霜猶有燐光夜離陸海上射
不足憑長平鬼哭雲冥冥白骨相撐尚未朽至今城
下流水腥水流有聲嗚復咽冤氣千年疑未絕往事
俱成一聚蚊後世空悲尺餘鍊

弔長平差釋白起云

御史祝

徽臨川

長平遑事不堪提任教傳信亦傳疑父手遺書容易
讀父臣寧遽改無遺盈數齊齊四十萬應商幾戰幾
堅持戰若失利歸壘壁陰陽按節儘翻竒如云一日

高平縣志

貞集

卷十

四

同披靡秦筭安支十則圍呼爾坑卒識不破何緣同
穴矢難離與其坑死寧戰死戰或不死任驅馳長平
進退汝趙地轉敗為功義所歸莫須趙卒先賣趙乳
臭兒家摠不知浪焉一戰同波逝返見將軍無復之
信心帝秦秦不信賣爾應如爾賣時誰乃深尤秦豎
子伊不忍人人忍伊更咲六王都信是燃灰隨趙不
知非吁嗟遑事何足提死差前後兩交譏在我後人
猛省積弱空相恨積威周咏好仇西土顯漢歌

大風噫讀史不堪詳戰國恐將痴死動間悲
死者應為厲一夕長平化血溪

金峰登眺

郭鑒

徐徐曳杖步葱嶺振衣直上千峰頂藥餌隨吾卧翠
微此身疑在蓬萊境松音恍惚作梵音林影依稀似
禪影三晉文物雨聲中秦趙旌旗荒吾隱古今塵跡
俛仰間安遇漁樵同劇飲前岐渾似武陵源倦遊渴
飲丹砂井何日香山締舊盟千仞鳳翔皆引領上方
入羲皇卧高枕

高平縣志

貞集

卷十

五

長平吊古

唐大愚公

長平埋碧血千古思悠悠哀壑青燐出雄風濁水流
斷山吹舊雨殘葦泣新秋何處欃槍沒悲淒若解愁

宿長平驛

明評事常倫

青史哀降卒山川見故丘重來今日意不盡異時憂
野驛春花發長途宿雨收
父語猶得舊

別 穀孫給諫

僉事王世隆

風 驚見子歲月苦離群
遠道悲黃鳥山花照夕曛
疏留青瑣闥劍帶紫星文
何日三台上相邀奉聖君

觀出師

郭 鑿

吉日王師出貔貅左右分
天威嚴北伐將令肅中軍
鏃騎翻胡幕瑠戈指塞雲
定知清絕漠會待奏華勛

史館即事

前人

文檻通瑤陛朱門向玉池
陰陽分殿閣日月繞罽罽

高平縣志

貞集

卷十

六

朝放聞鐘近宮深覺漏遲
編摩吾豈敢竊祿媿明時

勞勞亭

縣尹李 楨

地路衝三晉勞勞此建楹
風霜勤夙夜車馬苦追迎
一箸千錢盡連戛百里驚
問中愁未了又見嶺頭旌

公署舒懷

趙 軌

負日趨楓陛春風出帝畿
瑣闥驚夙夢棘寺捧晨暉
南國憐才拙西山愛日
遲遲欸無去住身與世相違

賦得日 中

劉 虞

日表膳堯德神符陋漢皇雲華扶赤轂海氣擁
若水誰堪拂陽烏自却翔樹陰斜忽正圭影短旅長
物覩中興聖天開久照祥此時清禁裡禹惜尚徬徨
長平吊古
編脩蕭 貢
秦兵伏甲武安西趙將非材戰士疲千里陣雲沉曉
日萬家瓦屋振秋聲 纏朽骨天應泣怨入空山鳥
不栖百戰區區竟何益阿房烟草亦淒迷

高平夜思

御史黃洪毗

高平縣志

貞集

卷十

七

秋聲入竹夜窻虛一劍相依萬里餘賓雁不傳雲外
字天雞獨理案頭書烟籠銀燭臨風舞露濕黃花對
月踈三晉地形天下險丈夫許國欲何如

吊尚節婦

御史黃洪毗

未識夫面為夫亡豈比尋常烈女行白髮尚然移
節青年誰肯棄春光魂歸地下乾坤老名在人間草
木香吾不等閑輕下淚為爾千載振綱常

送黃翠巖侍御

張雲路

駉馬西來此地遊觀風虞夏舊皇州山川搖動飛霜
電隼鵠高騰侍冕旒白華裁詩驚杜座使星依漢望
仙舟聲名到處狐狸遠颯颯清風解綬愁

詠署中白牡丹

學使者袁繼咸

宜春

誰向風塵澹世情孤標肯與鬪輕盈翠粧不入姚家
夢玉板知非楊氏名風雨無聲憐素質乾坤有意老
幽盟倚欄莫謂花迎笑皓月寒潭共此清

翠紅粧玉板
白二牡丹名

高平縣志

貞集

卷十

八

長平驛

明晉定王

月淡星稀曉色晴一鞭直指到長平山川滿目清如
許千載猶傳賈魯名

咏賈魯

前人

賈生姓字冠名流卜得林泉傍此丘古木至今風颯
颯黃昏惟聽烏聲幽

宿長平

文清公薛瑄

長平驛是相公家不見當時富貴花只有蒼蒼喬

在至今猶宿夕陽鴉

又

行過長平慘舊名路人猶指昔年坑不知當日將軍
死地下曾無見趙兵

賈平章

無名氏

傍天驛舍傍雲開故第猶傳賈相材憶昔當年寇
仲一生無地起樓臺

髑髏山

學憲李濂

高平縣志

貞集

卷十

九

髑髏山下合秦軍穉子坑降獨不聞落日沙原重
首長平雲接杜郵雲

長平吊古

學憲鄭旻

平川渺渺帶重岡秦趙當年此戰場坑火幾隨塵劫
盡夕流猶自咽衡漳

長平和薛文清韻

縣尹李楨

借問長平賈相家滿天風雪積瓊花依然流水
險栢木森森幾度鴉

咏米山

李雪山

積雪如山夜唱籌廉頗為趙破秦謀將軍老去三軍
散一夜青山盡白頭

登玉皇閣時同李環洲

郭東

峯嶽高巔插碧空山河城市顧瞻中天風遙御雲端
衷疑是瑤京第一宮

七言迴文

郭嗣煥

春殘過處是愁關片片飛花隳柳烟新樹綠陰乘困

高平縣志

貞集

卷十

十

息客途長怕聽啼鵲

石朵驚秋

張翹

樹滿空山秋實肥
楚人躡磴著繩菲
不知歲月林間
晚瀚海先驚玄乙歸

又

十里蒹葭秋水灣
琅園舊在翠微間
山行忽訝鐘聲
起碧冷遙嶽煙作鬢

禽語

有序

憲大西王世隆

楚辰山中有鳥焉每至四五月時則鳴其聲大而甚明土人譯其音遂名之曰乾柴乾槁今晉地山間亦有之則名之曰青田田而譯之其音以為蠶老防火其實本一鳥而晉楚之人其名不同若此盖楚人重竹木之利晉人尚蠶故因其地與其時之所急而託名以警人也然楚之竹禾以為利而晉之蠶則寔病焉盖自數年以來災沴相仍征科益 耕夫紅女皆匱竭矣肉食者將無憂耶乃括

其語而為之詞

乾柴乾槁蠶老防火青田田夜不眠歲織幾疋絹不得身上穿田中苦旱復苦雨舊逋未了新逋至努力經營納租稅半入王孫克祿米王孫出城騁遊戲一擲千金賞歌妓鈔空乞米仍去城有司逮責民益貧空責有司王孫不知民貧奈何王孫寔多山西之地北控黠虜西臨犬戎障蔽京輔屹然虎熊休養生息一宜豐隆政煩賦重民乃窮民窮盜起人洶洶前年

寇青年去年寇靈石未必良民甘就死要亦催科激
之耳我願天王慮終始子子孫孫千萬世山西之民
宜早恤禽語雖微有至理

輓渭南令忠烈楊公

張 翮

中原寇騎接函關如馬櫜雲戰血斑睢水忠魂還共
許漁陽義舌獨推顏關河懸日終留照姓字如山不
可刪報國一心空有恨漢宮秋冷鳥飛還

同前

張流謙

高平縣志

貞集

卷十

十一

萬里江山倏已非渭陽孤守欲誰依嬰城尚厲身先
士抗賊何妨血染衣慘澹頓移天地色摧殘未盡
神機成仁取義諧君願莫用招魂望遠歸

同前

秦邦寧

秦國山河稱百二楊公清白足千古一朝銅馬撞
來裂冕毀冠邨可數中流一柱有渭南身作長城
作櫓告天不愧震家聲許國捐驅為守土頭顱強
嚴將軍舌劍錚錡恒山伍噫吁戲西山孤竹邈

東海同仇難再覩祖宗養士三百年孰踵睢陽張
武公獨剖心熱血踐新盟繫肘銅章還舊主嗟嗟人
生誰無死公死為不腐留得丹衷照青譜

同前

僉憲趙嗣美

澤州人

千秋大節羨睢陽烈烈如君名並芳食祿同人心獨
異重城如命志彌彰舌存不畏賊鋒厲氣壯能吞暴
客疆以死酌知兼自盡華山轟轟渭洋洋

陪

駕南苑視蒐

賜宴應制

四首

李蔭

高平縣志

貞集

卷十

十三

蒼旂巡紫甸南苑駐東風衛列貔貅肅韜傳豹虎雄
教蒐仁庶物數實樂群工陪從叨優遇歡聲動祝嵩

又

上林扈蹕擁三台葆蓋葳蕤羽騎開馬映宮桃花五
色旗綦御柳錦千堆喜歌在藻逢魚麗快靚披雲

鳳臺循職惟思

天語重終將詞翰讓殊才

又

蒐獵帶春光居安貴不忌芝輪臨萬乘豈止賦

又

雲開芳囿日華生
劍佩森連鷺序明
共沐珍筵思鼎
實應知五味在和羹

賦

越裳獻雉賦

劉虞夔

猗自皇風連燿帝
治登閔荷天衢兮
邕洽提地釐兮
昭明連四海以清夷
鞏履孟之謐運六氣而旁魄
諧調露之聲以故醴
化澤淳醇庥邕平邇
戴天而忘

高平縣志

貞集

卷十

十四

力荒憬捧日而傾情
大角銷氛旄頭寢兵
鑿齒反踵之君窮髮
貫胸之萌罔不交臂
奉貢屈膝抒誠抱嘉
瑞而來貢執竒珍而
受成皇皇哉億禩之
蒸鑠而百王之輝程
也粵周德之郅隆
謀王道其灼普主
兢兢而黻喆宣相
几几而公忠睹禮
飾治兮其君萬齡
樂象功兮而臣千古
道緝熙兮纘文世
永清兮紹武物則
蕩蕩由于夷庚人
軌離離躋于春圃
滂其時也闡繹
紹天之烈既赫
戲兮大明諦其世
也含哺鼓腹之

羌沕噩兮如煦暎兩美之必合亶九穹之篤輔
蘇氣其溈沕以泝通快協風之曼羨而亡選天篤嘉
瑞兮煥素質于洪深之靈禽帝介蕃庥兮屆洪仁于
海嶠之僻土逖彼越裳之國邊居林邑之邊文身裸
跣人尠囊裳之制散髮蓬鬆家無戴冠之傳盖徼外
蹇荒雖洪圖隔閔其不囿然日中豐照託德寓均併
而廣延乃能翁純光于太始哀皓氣于重玄產佳禎
兮詡白雉之出地連盛世兮際赤龍之翔天稟雪姿

高平縣志

貞集

卷十

十五

之融耀兮翬藝毳而蹠躒賦玉彩其炳燿兮舞健翎
而踔躡苞熊宗之精兮皓尾揭驕而跨蹕象離明之
德兮翹鳴伊喔而輕妍如儀庭之九苞兮乃涵光而
樸若較搏霄之六翮兮翻斂質而凝然豈陳寶見竒
侈二童之所化寔昭華秉籙應一德以來宣衷曰天
啓謀惟人基當物瑞之告呈絜葵心之洞企乘陽鼂
兮占風睇志縣兮懷義覩解渤其且泱漭兮既息濤
而不敷駕餘鯨乃以連卷兮羌抱雉而為贄峙玉

輝輝映隆階兮曠曠于是時也君端委而秉珪
負袞而襄治宗伯庀儀職方辨位隲庭實之修夸兮
展白羽以當階望宸顏其款忠兮依紫闈而受事
諸臺沼鹿濯濯以同遊載在藪郊麟振振其堪比右
平在城映之而敷輝繡栢焚楣對之而生麗繽紛兮
聳角陸離兮揚翅亶依帝所以啄滄疇若驍媒其猥
眎矧其旨貢連九譯琛同八荒玉帛聯翩浮于冰天
桂海之國航梯繹絡齊乎日出月支之方信神符天

高平縣志

貞集

卷十

十六

剖兮則遐均之上治故仙禽地徵兮闡鑠懿于殊疆
格心維相昭德維王念絕嶠窮陬恐鴻澤之未被乃
誇祥詡大非懿治之所遑將卻贄而不享允錫車使
歸翔懿哉皇化如環之來兮跨虞聖之休爍冲哉皇
心如燠之卻兮纘武考以丕昌嗟西騏海青季曆祇
煩于使索彼元龜象齒明時亦待乎戈勦疇純粹其
光休烈兮夏翟應萬里而隲瑞 清和其篤鑠風兮
海濱歷千世而開祥愨鴻庥之既邈 景豔之眇

群翼或隨于郎車素章或見于永康何德靈以堪稱
祇詡舌之徒張噫嘻社鳴帝生河清聖兆騰虵游霧
而行應龍乘雲而矯蓋祥不虛呈瑞維時表稽古甘
露醴泉龍馬噐車之紘綸朱英歷草連理同莖之連
皦允象德其顯形詎無因而紛沓荃浸義而沐仁斯
祥葱而瑞 方今大明膺圖萬曆歲肇敷文解庖羲
之繩偃武息周宣之旒入夤夔矢穹廬銷鳴鐫之擴
雄萬寓安瀾炎嶺應伏波而殪剿騶牙出櫟鯨海澨

高平縣志

貞集

卷十

十七

塵踰沙軌漠棧山般海之琛歲亡虛月九真黃支條
支大宛之費府亡停輪冉馱與叩苻而請吏左賢並
谷蠡以稱臣方將來楛矢于窮域顯昭登于遐垠亦
何羨周德之碩鑠迺以摛漢賦之炳麟

論曰詩咏性情紀載博而用物宏纒纒乎不可尚
矣四始而後惟離騷猶為近體自六朝以聲律相
高字櫛句比幾于充棟近代雖不以詩賦取士而
觀風貢俗亦史氏所必 者豈徒急推敲工藻潤

已也

疏

辭召疏

劉虞

臣木訥畸人顛侷豎子生逢盛代達筵清途詞苑二
十年編劇靡效講帷六七載啓沃何裨鵠濡愧于在
梁鷄躍憂于過仞曠瘵之罰菑咎乃叢方匍匐以悼
慈親更駢蕃而承寵卹樂樂瀕死恐君恩圖報之難
碌碌偷生宜吏議構成之易深感藥言之瞑眩庶幾

高平縣志

貞集

卷十

十八

茅塞之開明瞻天焚愬行之香為皆可告遯世寢鳴
冤之草事不求聞有無悉聽公評豈淆黑白終始堅
脩素節奚染蒼黃自甘遐棄于溝中誰望曲矜于輦
上在昔栢臺搏擊既寬斧鉞之誅于今芸館招延猶
辱弓旌之命舊官重畀新職益專謂使過賢于使功
故賜環果于賜玦祇慙薄劣曷副甄收荷日月之末
光六幽畢照酌乾坤之洪造九隕為盟固當謁蹶以
追安得趨趨而却顧但親衰不仕時乃臣經且官

病則休寔云國典臣父年躋喜懼邁七十有二齡
身病極支離醫再三無一效臣與父更相為命父子
臣惟疾之憂感時驚過隙之白駒思養愴啼枝之烏
鳥微獨依依菽水又蒹戀戀松丘矧因疴疾之沉綿
爰致謏聞之荒落毫欲濡而旋暈卷纒釋而輒忘即
使衷赤勉殫其于汗青何補若或昧乞身之義必將
貽除目之羞此臣所以被命兢惶戴恩跼蹐而不能
已于控辭者也伏願聖明察臣悃誠令臣休致石渠
臣無任席藁待命之至

說

身家衰盛循環圖說

縣尹張居仁述

嗚乎君子觀此圖不惟知人事當脩抑又知天道可
懼也六合之內民生不知幾千萬矣以天所生之物
養天所生之人均衣平食無令有餘不足俾各不

寒而止尚僅僅不敷用而况富者田連阡陌金滿箱囊飫甘厭濃踏繡鋪錦歌兒舞女醉月眠花畫棟雕梁乘堅策肥其狼藉暴殄之餘猶也嘔僮僕而飽狗彘乃耕夫織婦早作夜勤初寒暑兩鬣身枯面枵腹攢眉兒羸女鬻終歲辛苦如馬牛而一家衣食如乞丐又瞽目殘肢孤兒獨老菜色鶉衣為溝中瘠為道邊殣者在在有之諸無告人不可勝數彼其驕奢安逸之性豈與我殊哉天地之財止有此數富貴榮

華既于我乎獨偏貧賤憂戚自于彼乎獨苦有餘者之所棄餘乃不足者之所棄命者也夫既不肯樂分與以益彼之不足又不能崇節儉以惜已之有餘天何親何私爾何功何德而令久享此乎明者觀于目前其盛衰可歷歷指矣爾曹不幸身不嘗不足之味而襲祖父有餘之業彼以享受為當然以儉素為耻事將施予不能而慢棄則不甚惜焉積孽自躬而獲罪于天矣作循環圖以悟之

明令移丹河記

唐御史中丞武少儀

高平古泫氏邑也其泫代改名圖經詳矣初相地而居之盖以土厚水深為善農鑿井而飲者則以穿壤剖石為艱故千家之中數井而已綆以遠引而多絕瓶以難升而驟羸則雖有端賜之機智無施其巧捷雖有管寧之仁惠無杜其忿鬪况牛馬俟乎滿腹必遵乎十里 河而瓜蔬期乎給口常望一旬之雨朝

高平縣志

貞集

卷十

二十一

夕勞苦歲時饑饉可勝道哉嘻允為前弊滋久終俟後賢乃革不然者豈子男百輩而莫之是恤貞元七年潞州屯留 平原明濟受連帥相國大司空義陽王李公之命假領茲邑撫安疲黎其清勤簡惠不异于屯留之政政可知也下車之曰咨訪故老問人疾病僉曰公之至也俗詠其蘓矣惟水之歉詎敢求救于公耶明侯聞之若疚于心且形于色曰夫窮必有泰固常理也此豈無望前或未思吾將退而慮之曰

發智周之妙躬循郊原目究川谷度高下之勢
引決之宜有丹水者始自縣之西北山源高而派平
可議壅以導明候載審厥事將利于人乃下謀于鄉
耆次白于郡守上言于節制才獲所請爰臧其功乘
井稅之暇俟農桑之隙先儲乎薪芻之物次具乎畚
鍤之器然後量工命日使里人樂助競子來而展力
故不更于素宛其有成始瀦流而為潭因䟽渠以遶
郭築防以補其陷隙剗木以道其險阻脉分枝散貫

高平縣志

貞集

卷十

二十一

邑周閭瀾瀾苔草之間陰陰槐柳之下遂使家開沼
沚戶植芰荷濫觴可以寄傲垂釣可以烹鮮豈直豐
畦圃之沃灌恣閭閻之飲濯路有奉漿之義井為應
汲之泉人無荷擔之勞畜無奔走之困而已也復于
潭側特建水祠列樹敞亭別成佳境將俾水依神而
永久人賴水而無極庶功用不再且祈報有歸焉明
侯覩夫衆情之欣洽足以閑居而賞玩化鳥之餘閱
王鳧之雙飛臨堂之際調宓琴而合響不其美爾君

乎曰政無大小以勤民為良事無工拙以利物為貴
如明侯者實兼而有之其由我大司空義陽王以至
公且明推獎而致此者矣余偶以行役經過于斯耳
嘉謠目覽異績緇黃耆艾因請余以紀事余誠忝
跡于文者姑具述義王之德舉明侯之善亦何辭焉
是則勉而志之貞元癸酉建

省冤谷揜略記

金縣令王庭直

壽春人

少讀楊雄書有載長平之戰四十萬人死原野厭人

高平縣志

貞集

卷十

二十二

之肉川谷流人之血蚩尤之慘莫過于此余三讀其
辭而悲之後令高平問其自乃古長平也詢其故跡
父老曰城西北十五里有地曰殺谷乃秦將白起坑
趙降卒四十萬之所當時頭顱似山骸骨成丘何晏
亦嘗哀悼至唐易名省冤則長平故事其來久矣辛
酉清明日庭直率本土士衆携酒殽奉香火張聲樂
具服祝謹詣其谷吊以祭之其日陰風襲人寒烟
空必有冤魂來享其祭舊宋運判馬城經過此地

檄縣僚收拾遺骸于谷口鑿坑深闊以左右前後溝壑數十里暴露之骼畢集而蔽揜仍于所揜之地啓而祭之使後人不踐履爾今觀其墳已為姦農所侵僅存數尺而已乃勸隣農于所占墳地外更四面各廣八步起供堂一所于其上植美不成園俾永久知所悼惜繼有長平鄉老農王姓者告詣去谷十里餘為雨水所崩岸崖頽裂露骨數車願收而揜之爰即具禮盡載于墳園如法安葬細視其跡于長脰骨間

存銅漆矢一入骨寸餘因出矢而揜之人骨之堅如此而骨中銅矢尚存慨然發歎四十萬人于當時解甲歸戈赤身受亂兵殺戮而苦死其冤亦深矣不然其骨其矢安得尚存而不朽耶是其冤抑之氣凝結而不散以至于此也嗟乎白起兇狠恃秦軍之強殲無心之降卒其勢亦易矣起直為此兇狠也當年後世又安得而不痛恨哉向使趙卒未降甲戈在體雖在危陣中乃死戰之軍力戰未必無生路即或敗亡

悉遭此屠也譬猶執羊就機持刀自恃以謂能殺何以異是嗚呼今而後其墳併供堂告成一所見有暴露之骨即揜其中余不能無望于後之君子皇統改元六月十三日縣令壽春王庭直記

重修儒學記

明禮部左侍郎李遜學

澤州高平儒學建置東南隅歷歲既久棟圯榱敗幾不可游息斯文病之正德癸酉冬進士龔侯進以剗

高平縣志

貞集

卷十

二十五

劇宏才自太平改令是邑下車謁廟瞻顧亟圖脩復遂昕夕規置鳩工聚材為備孔預已乃語僚友群屬革言三就即事事以舊址淺狹貿民地拓而新之為大成正殿明倫堂各五楹增建廊廡五十間號舍四十間除道戟門東西齋庖漏庫廡峻愍倍昔又剗奎光樓櫺星門及泮宮文廟育賢大成街諸坊牌既而鏤板揭示以虞他日湮廢慮無遠而弗屆制無微而弗周財出措置而不費于官役多傭儻而不勞于民

中戊春二月經始僅七逾月落成壯麗恢弘改觀
耀蓋盛舉也教諭史章暨群弟子輩德侯振作托都
運畢公天節丐予言告諸後夫治化視吾道為盛哀
學校者道之區寓也毓賢養老受成獻馘胥于是乎
係蕪穢不治則鼓篋遜業者或恐為城闕之挑闖矣
道不明而欲望治化之盛難矣哉我國家崇儒重道
立學校徧海內以甄陶士類俾之講道以端治本以
移易風化殆今百五十年餘仁薰義蒸盖深且久也

高平縣志

貞集

卷十

二十六

往歲壬申大盜起畿甸突至西晉勢兇然甚酷中間
忠臣義士裂婦貞女每抗節不少詘辱何耶理道明
而治化素盛固宜人人克自奮激也顧民方殿屎之
餘性易遷誘士或波流風靡不審所趨嚮而又值學
舍頽敝如高平今日然者施教無所退息無地若不
更新制作其罔有黍稷其為吾道之病豈小耶侯視
篆末期即祇若德意以興修學校為講道弘化之本
可謂急所先務矣學者誠由此而愈加淬礪以求

負朝廷建學與侯篤念造就之意則彝倫叙而人心
淑教化行而風俗美利用上下並受其福豈不益隆
盛治于無疆也哉昔鄉校不毀鄭國稱善泮宮既作
淮夷攸服學校裨于世道其重如此侯之賢可知已
聞侯任太平嘗築城甚堅完城郭所以衛民生學校
所以復民性生養咸遂政教兼施二者治天下之要
道也而侯悉舉之矧他政皆卓絕可書然則侯尚可
以一時人物論哉於戲使天下有官守者皆侯若人

高平縣志

貞集

卷十

二十七

焉無患乎其治之千古若也時協力贊襄者則縣丞
趙寧主簿劉一中典史陳洪殫心補畫者則章與訓
導馬景陳鑾云是為記

晉城書院記

御史姜潤身

高平堯舜之畿輔河朔之襟喉舊晉城其隣封也宋
程明道先生嘗為晉城令教化旁及士風丕變既去
多建祠以祀之逮元末兵興祠宇寢廢大定中縣令
郭子質成化間提學胡君謐皆嘗脩其廢典顧厥

弗廣吾道弗崇也弘治初年柳塘楊君子器始宰
平慨狀以興起斯文為已任毀其淫祠曰新廟者改
為正蒙社學鄉人亦以書院呼之於是乎訓子弟隆
祀享而明道之澤沛如矣柳塘去今纔四十年書院
日就傾圯先是河南孫子應奎以黃門給事左遷高
平丞士多從其門者政教之暇思欲葺而新之甲午
春潤身巡行入其境乃率儒學師生相揖而告予曰
即今書院久荒吾道之厄也淫祠復侈邪說之昌也

高平縣志

貞集

卷十

二十八

崇正黜邪紀綱之任也願先生毀其所宜毀以興其
所宜興者可乎潤身忻然許之既而憲副曹君嘉協
其議巡撫中丞任公洛可其請乃命主簿朱金典史
鄭林董其役材取諸淫祠力索諸逸夫於是因其舊
址定其規制以興厥工經始于五月之念四日訖于
十月之六日則落之前堂五楹扁曰春風後堂五楹
扁曰仰止以祀明道先生而左右皆有小堂三楹以
翼之號舍二十餘楹以為諸士子葺脩之所他如

門角門 亭厨房之類咸各有成度外建大門曰晉城書院過之者肅肅如也翼翼如也士風改觀遠邇胥慶潤身聞而歎曰堯舜之道至孔孟而始明孔孟之道至伊洛而復續吾聞明道先生之為晉城令也禁焚屍之薄俗折座錢之歛獄而以孝友化民及其擢為御史也進求賢之說斥新法之非忠義之風至今猶凜凜焉今孫子應奎與先生同桑梓孝友忠義本于天性文章政事度越一時亦可謂明道之徒矣

諸士子親炙其教優游浸漬之餘因孫子以求明道之心因明道以求孔孟堯舜之心雖天地古今之道即此而昭昭矣豈特科第之筌蹄而已哉嗚呼唐虞故地古晉隣封居聖人之居化賢人之化吾固以聖賢之事責望于二三子也若夫群居昵小慧之私盍簪無麗澤之益名存而實廢吾恐作者之意虛矣不有負于明道之遺教也二三子其勉諸

邑令楊公去思碑記

南京國子監祭酒崔銑

楊子子噐去高平十有八年高平民申鐸姬增而下數百人立祠于建寧鎮祀之鎮有先聖廟宋程子徇淳作楊子嘗脩之祠列東廡下循哉楊子之政也刈胥猾破書手奸事無枉且暴撤蔽也均賦役廣儲峙歲省耕歛給其乏詔僉民兵實邊奏已之普養也脩學者再設鄉學者九十申道誼蒞經訓崇教也脩社祭圖祀先之儀明禋也石洞能風民駭行禱取紙覆

孔噓且吸曰噉通谷驗乃塞禁釋薦毀淫祠俾民勿僭制正俗也去官知奴嘗賄治之責友不告行却贖金屬操也脚户途殺賈取其貲賈父誣店主白其寃殺脚户同謀者十餘家脚户積歲殺四千賈取貲累千照獄也夫吏者牧者也非以厲民祠者慕者也非以徼寵楊子誠有愛結于民民誠享其愛思楊子是故鄉可以礪國一楊子可以礪天下聞而善善而治此之謂化故曰禮協諸義而起雖先王未之有可也

粵歲癸酉宵星虛民祀其侯屋渠渠屋渠渠
兮民樂且亦有民歌推不去銑 曾著五吏書撫實
作碑示楷模於乎有官勿謂民可愚於乎有官勿謂
民可愚

重修程子祠記

提學僉事張 璉

舊祠在縣東子城內棟橈大壞不蔽風雨隣市居匝
環小巷跬步及于堂為褻者甚正德九年龔侯以才
行自太平縣奏改高平甫至謁祠見其頽敝污瀆乃

高平縣志

貞集

卷十

三十一

謀于僚屬于文廟前得僧舍之餘地價其值焉其臺
省亦以移文為是乃命義官邵經老人張騰及趙璟
督工課程為正殿三楹旁翼以小室其東西廊其過
庭楹如正殿之數其大門中二門各一楹正殿仍繪
夫子之像于中章服則國公之制焉創始于正德十
年三月落成于本年六月財不病其民而民不知其
勞物情欣然焉侯乃托邑人予鄉同年霸州守郭
公坤徵予記之夫道統之傳有自來矣孟子没而不

其傳焉夫子得不傳之學于遺經以興起斯文為已任漢唐以來一人而已當宋之治平四年丁未自上元主簿移澤州晉城令其為治有萬物各得其所氣象伊川行狀及門人叙述可見使民各得輸其情獨惓惓以教化為務鄉有學學有法朝夕督勵誘進至親為正句讀焉故 寧元豐間應召者數百人登科者數十人達乎隣邑高平漸乎晉絳被乎太原所謂濟濟洋洋有齊魯之風焉者是已熙寧元年戊申

夫子之赴召也去之日哭聲震野而九年丙辰則又黜知扶溝矣去之日老穉數百亦攀挽號泣遣之不去夫以夫子之道試乎郡邑其功化之效輒如此使夫子得乎位焉則厥施斯普于天下也何有曰官報若將遇焉者而雋子之携婦冠瀆亦甚矣要之神宗之處夫子與安石其禮遇雖同而任用則異安石固惡之蘓氏又詆之功利之學既與之不合而文章之士亦與之頓異上下之人皆莫之識其視夫子之

若長物然者天下何 而治耶三代之盛何由而
見耶豈道之興廢固有其命耶抑天下之人果無福
耶靖康之禍言者至今蹙額寒心學術不正禍天下
後世如此則夫子之出處世運所關豈淺淺耶夫子
嘗言泰山 上已不屬泰山雖堯舜之事亦只如太
虛中一點浮雲過目予嘗言貴以王侯夫子固固有
之也卑以莞庫夫子亦固有之也賤以匹夫亦夫子
固有之也天下豈得而撓之耶茲地受夫子罔極之

恩為多故在太和中鶴鳴李先生史以為得程子之
學中統中陵川郝先生自謂其祖亦及先生之門遺
山之學又自郝氏始宋人黃夷仲有言澤州學者如
牛毛野處又云長平朱紫半則高平祠而祀之亦天
理人心之不容已者學其學而不報焉郝陵川以為
非事師之道則為臣不忠為子不孝亦其必然者於
戲周人崇射者尚不忘武穆之祀况夫子之功之德
乎宋之南渡後朱子無容喙矣至元又得許文正

然自得而神明其敬以大其傳至明又得薛文清一性字括盡千古聖賢之言真知實踐以續其傳其道至今賴之以治天下國家而人蒙其澤焉繼往開來夫子之功之德雖與穹壤俱敝可也文清有言程朱之道萬世之後必有追崇盛于前時者又言從祀不宜在漢唐諸儒之下世必有能知之者獨龔侯當大盜攘竊之後而首舉乎此以獨地祀之則有補于世教大矣吾黨之士其必有所感也夫其必有所興也

高平縣志

貞集

卷十

三十四

夫能知夫子之道則知聖人之道矣知聖人之道則知天地之道矣天地之道誠而已矣聖人之道亦誠而已矣夫子之道豈外是哉侯名進字思忠江西高安人正德辛未進士以賢能上聞祠之建也僚屬捐俸助之者則縣丞 廷珪主簿劉一中典史陳洪及教諭史章訓導馬景陳鑾焉

重脩演武亭記

劉崇文

泫氏額有演武亭一區坐瀕丹許雨集山濤暑衡

醫防岸崩圯殆為水伯滙浸邑劉侯振而新之輦虞
衡之材伐太行之石鳩陶埴之 駟子來之旅稱畚
畧基量工命曰增卑倍薄撤故飾材畝農兵之堂於
北闢騎射之道於南峻牙章之臺於中退食有齋晏
息有閤續以丹堊采以青蒸飛革苞茂煌煌壯而麗
矣懼師徒譽於六步七步之律也繚以垣墉百堵鱗
次召其斲落千夫雲屯縣賞格時簡閱荷盾矛森侍
於旁披介冑馳走於下肅矣軍容赫焉武備巋然榆

高平縣志

貞集

卷十

三十五

關柳塞虎豹之勢雄峙山隅且轉徒之煩匪擾於鄉
呀呷之聲無號於市降婁纏而戒事鶉首正而告成
侯將載歲日第工庸迺紹介于文乞言以紀語曰天
下安注意相天下危注意將今天下堯仁纘圖舜德
光寓道化翔洽於海壖聲施漸訖於埏賁夷落猷琛
獐獠輸費月支日出之部辦髮貫胃之酋靡不稽首
稱藩伏鼠執贄利覩聖明幸濡汪澤舞干苗格尚虞
舜之誕敷因壘崇降邁周文之怙 鑄鋒摘橐

歸牛不觀兵時也厥工肇興不幾於勞乎

之驩非厝薪之隱憂也司馬法云天下雖安忘戰必危天生五材誰能去兵兵不樂試於治世治世所不諱也成周比閭族黨出而折衝禦侮故赳赳之夫桓桓之武不啻兔置車攻詞也秦郡置材官漢因之唐有州郡之兵宋有廂鄉之軍畜衆容民除戒不虞兵之不可偃於天下也審矣時海內又寧家國閑暇尺籍之兵郡縣之民也苟治識大體政圖未然專封

高平縣志

貞集

卷十

三十六

疆者捍禦而較貔貅之士寄守令者豫戢而募干城之夫繕營壁精器械時訓閑無一不可當百者則先事有備盡地為兵超距煙聚格鬪星羅敵愾之聲震於無外而奸宄萌銷羶毳膽怖自將不戰而無敵矣肆邁聖人在禦神武而不殺者乎夫三晉之鄙長平之墟用武地也昔抱真守澤籍丁男三之一農隙射三年得勁卒三萬人故昭義步射冠諸軍民到今稱之明徵在策鑒憲不遠何世之業官者恒以

為嫌樂循襲而憚改作視公家為傳舍聊以託
遲明棄去若侯之任勞任怨整隊釐蠹理國甚於理
家顧不難哉 夫徹桑濡 晷土也憂治危明蓋臣
也侯抱文事武備之猶樹外寧內憂之防侯之晷不
其為蓋臣乎哉余歌周雅而賡魯頌志侯報國之貞
而因冀疆圉之臣咸奏乃績云爾

重脩城隍廟記

縣尹楊應中

我太祖高皇帝神猷睿識超軼千古既為天地神人

高平縣志

貞集

卷十

三十七

之主即罷前代不經之祀而惟郡縣城隍巋然獨存
且春秋與社稷山川風雲雷雨並祭又命主厲壇祭
其所倚毗之者甚厚凡守土之臣蒞任必謁歲時必
謁有祈禱必謁豈非以禦災捍患福善禍淫為一方
保障而然乎高平有廟在縣治西金大定癸卯創建
元皇慶癸丑一新之入國朝宣德丁未王公惟一
新之正統辛酉張公璣一新之然而因陋就簡規制
多未備也嘉靖庚申儀封張公鹵志欲脩葺壽官

价常紳捐貲助工實董其事及萬曆庚辰長山劉公
一相見有圯壞而廟內肄業諸生徐行常依仁具呈
鄉民楊汝聰常嘉賓等協謀殫力飭舊增新肆予之
承乏也值天災流行歲復一歲而高平徼神之福往
徃雨澤居先荒歉未甚薄有收穫國賦告克予得少
逭痼瘵者秋毫皆神惠也中心感神之靈已命扁其
坊曰靈異用彰神之陰隲下民矣諸生復以記文見
屬盖念廟之脩也非一日工之董也非一人不及今

勒諸瑱珉後將何徵其拳拳請者意誠善矣惡得辭
按廟正殿五楹寢宮五楹殿之前捲亭三楹亭之前
為月臺臺之周皆欄以石左右焚化亭各一座臺之
南石橋一座石鐵獅各一對東西廊二十六楹中為
樂樓三楹樓東西鐘鼓樓二楹樓東為道院九楹道
院南為官廳五楹樓西為書房十二楹過亭三楹寢
之側東西斜殿六楹內祀藥王濟瀆郊禰等神不知
妨于何人乃黷亂如是予悉命徹之仍限以垣墉以

全神之尊東西廊十二楹厨庫四楹四周皆以甃
為垣大門外併東南綽楔各一座其一則予所扁靈
異者也工始于嘉靖庚申迄今近三十年矣中間雖
時脩時止而規制宏偉丹堊炫爛則于今獨盛云是
足以妥神靈稱崇奉矣予竊念有國家則有民庶有
民庶則有城池是築城鑿池所以下衛民生上安國
家其為功也鉅矣况聖祖勅之以監察凡四境之內
孰非所照臨者乎有檢身若浼者是有司所欲褒揚

也亦神之所眷佑也有長惡不悛者是有司所欲懲
戒也亦神之所厭惡也以至三時不害百穀用登雨
暘燠寒不愆其期是神之顯其靈異也有司者與有
藉賴焉若淫雨烈風旱荒螟螣朽腹裸體者轉徙溝
壑是有司者失職所致也亦神之仁愛曲成因以警
戒之也念及于是凡我有司及爾士庶有不悚然凜
肅然敬乎則夫廟貌崇嚴昭事之誠恪固我有司責
也亦爾地方之同以為責也予既述其詳于麗牲之

碑復系之以詩曰猗與皇明統萬方天生聖哲宅君
王鑒元黷祀亂綱常一洗滌之清八荒惟此築鑿曰
城隍國家民庶賴保障帝命監察綸綍煌神功普照
析毫芒善之所積有餘慶不善所積有餘殃如影隨
形不少爽有時未至非杳茫上下左右神洋洋予來
司牧愧循良與神表裏相陰陽神不予遺默贊襄頻
年饑饉稼穡痒顛連在在踣且疆高平幸爾薄菑傷
流來赤子塞路旁何分彼界與此疆嗟無衣兮給之

高平縣志

貞集

卷十

四十

裳嗟無食兮給之糧俟歲小康復故鄉匪神吾民不
遑將匪神隣苴更何望戴此汪濊中心蔽迺新輪奐
翼宮墻迺顏綽楔靈異坊歲時伏臘集中唐於粲灑
掃薦牛羊干式陳桂酒奠椒漿伐鼓考鍾聲鏗鏘以享
以祀燄輝光願神陰隲時雨暘多黍多稌豐穰穰乃
求千倉與萬箱我吏我民何敢忘勒碑昭德膚功揚
噫嘻萬古常流芳

甄甃城垣記

郭東

高平右隸上黨界乎潞澤之間輿圖稱其崑崙隆
上與天為黨又云地形高而且平因以名郡邑焉在
唐虞為畿 幅隕在國朝為股肱右輔控河朔襟喉
圻燕韓屏蔽昔李抱真以精兵討田悅石守信下李
筠定宋室則斯地之險隘要害可徵哉舊土城每歲
有風凌雨剝之損氓庶簣板築之勞無已時也撫臺
魏公建節安攘按臺涂公持斧貞肅共圖為地方百
世計會議欲用磚石包砌城垣檄前任巡道楊公委

高平縣志

貞集

卷十

四十一

潞安節判黃公與縣尹馬公估計錢糧物料出自均
徭夫役匠工取諸雇覓議既妥當具由回道以聞諸
宣大總督 公塩臺吳公俱報可魏涂二公會題明
旨俞允部覆僉同由是守道劉公經營董督指授方
畧有司任事服勞拮据繕造無何按臺報滿趙公來
代馬公行取潞安司理焦公攝符兩月新選王公履
任乃程土物慮材用計徒庸量事期仰憲背陬俯治
高下樂事勸工獎勤警惰護作者馨鼓弗勝矣工以

次第報完兩臺復行河東巡道岳公暨潞安司理焦公澤州太守馮公查閱工程不但時無延緩且極鞏固礮密稽察錢糧不但毫無虛冒且多節省羨餘兩臺考成奏績皇上欽賞旌勞乘此閑暇之時早圖綢繆之計仰藉群公訃謨烝黎萬載依庇僅及兩期下邑有成城矣外面週圍并敵臺轉曲共一萬二千七十尺內面一萬一千一百三十尺牆高三丈五尺女牆高三尺五寸梁頭一千八百九箇城上更鋪五十

二間城樓四座城門三座瓮城三座每座濶一百尺牆高三丈 牆高三尺梁頭三十三箇上蓋敵樓一座城門一座夫城基石共七萬四千二百尺瓮城每座用石二千一百二十八尺磚共一千一百二十五萬三千九百有奇夫共六萬五千九百三十一丁銀實用九千四百九十七兩一錢肇勅于萬曆二十六年秋以萬曆二十八年冬竣役夫城盛也為收斂防護重地相緩急攻守機宜內可以衛神人外足以禦

強暴且礮石注努登埤奏威遠之功整旅敦陳背隍
期萬全之捷此尹鐸保障晉陽南仲于襄城翔于今
為烈也語云堅城一座可抵勝兵十萬真可重哉恭
惟聖明在宥海寓奠安非但邊鄙不聳即穿鼠草石
輩旋轉就擒第盡臣憂國不厭先事預防不惜暫勞
小費矧太行為全晉門戶中峙金湯則鎖鑰封疆寔
貽安堂奧關係誠非眇小是役也撫臺而院俱承欽
賞白金守巡府縣咸膺紀錄優叙無容贅贊若散委

高平縣志

貞集

卷十

四十二

官縣丞姚曰旭主簿王懋昭典史張登雲省祭張仕
興醫官郭中虞皆奉委宣力効勞均蒙獎賞者也縣
牧父豫九王公猥以紀載之役見屬再辭弗護聊記
歲月始末如此云

馮封翁增築唐安鎮石堤記

狀元朱之蕃

金陵人

隱君子居鄉閭有能悉心竭力為一方捍大患垂永
利則生有益于時歿可祀于社豈非偉丈夫之懿行

豐功也哉世所稱水患莫于河決而山水即次之
顧河有防防有專官衆役其預備有素苟非天數陷
溺一方猶可先計而早圖之惟山水乘霪霖而發也
其震蕩漂忽之勢莫可障塞而隨其所向田廬人
畜頃刻化為烏有慘莫甚焉晉國四塞而高平猶據
山川之勝源發空倉山者滙為大河經唐安鎮之南
夙苦漲溢則冲激之害不可勝言數十年前義民陳
騫勑為石堤患以稍紓顧其為堤僅四十丈而歲久

高平縣志

貞集

卷十

四十四

嚙蝕鮮有存者闔鎮居民咸憂復罹往禍而力莫能
舉惶惶莫自必其命封翁慨然自任曰吾承先人遺
未及大有所建豎于時今復幸有子以世吾業則
為德于鄉匪吾誰為計者乃捐貲倡義即陳堤而大
為脩復其長十餘丈高闊咸倍于昔而堅固有加
焉溯自庚寅辛卯以迄于今幾二十年而河水屢發
竟不能為患如昔日居者保其田廬行者安于往來
始之頌功歸德者今且習而安之若固然而不復有

憂縈于懷矣封翁之拯人于沒溺歲以數十計
且千百人陰功隱德其可忘乎蕃弗及侍封翁得從
嗣君游于留都時稱舉築堤之利賴頗遠而當日之
勞瘁庶幾其不虛且矢諸後日當有以繼封翁之志
而蘄此堤之有基勿壞也蕃惟彰往 來匪徒以載
世德即首事于陳繼美于馮而為闔鎮之民杜隙防
微以獲安全亦既 年矣乃始紀其休實而稱述于
無窮所為美愛而傳乃人心公好不容泯者乎封翁

高平縣志

貞集

卷十

四十五

諱春字應元號環溪以子養志為令考最得封如其
官故稱封翁云

空倉嶺城堡記

謫守澤州賀盛瑞

盖聞去莠所以治稼去盜所以安民盜之殘民也甚
于豺狼盖豺狼之搏噬可避而盜賊之出沒無時也
是故設之關防嚴之重法誠畏之矣先王異服有譏
異言有禁其惓惓念民如此夫城市之中尚嚴儆戒
况窮山僻野之地其害可勝言哉是故盜弗去則民

安官弗嚴則盜弗去高平沁水之界有嶺室倉
迫兩山之間中通一線之踞盜賊之淵藪行旅之陷
阱也取貨如寄積骨如丘咫尺之地不復有王法誰
司之牧令民困虐至此能逃其罪耶余乃會兩縣相
地度形請之當道議設城堡為安旅之計夫身不
涉則有過情之疑事出創始則有經營之費向非深
恤民瘼者亦焉能使余請之必得也乃巡道陳公
聞余言即歎息立行申請兩院空倉之役遂以就績

句此以往盜之息皆公之力也民之寧皆公之賜也
公之惠于是為大而民且食之不窮余嘗歎民之乞
靈于上也每有生死之急而上之足欲于民也特一
反手之勞蓋權足以自便力足以使民士之得時行
志亦一快也乃每有憚反手之勞亡生死之急彼民
竭輿馬之奉獻土地之毛不知何愛而供一人之恣
睢也忍心甚矣又焉望消意外之虞籌難言之隱而
為斯民之父母乎蘓 曰民有冤而欲訴之如訴之

于天有不得已而謁其所欲如謁之于鬼神嗟夫民之困苦于上下之間也豈朝夕之故哉余故于空倉之事而重念夫公之仁弘且遠也推公此心其造福于冀南者當不知其幾而民之默受公德者又當不知其幾詩云凡民有喪匍匐救之其公之謂乎余辱在屬吏喜誦明德雖辭不能文而念不可已敢勒之石以垂公之德于不朽公諱廉由癸未科進士直隸元城人

高平縣志

貞集

卷十

四十七

邑令豫九王公去思碑記

馮養志

公治高平縣六年上計者再會廟堂振淹滯簡一時郡邑之最待次天官首下弓旌則自茲始公既有成命不宿而戒朝車于時舉邑皇皇戀公不忍舍去相與當車啼泣自邑郭屬之境外亡慮數百千人擁塞郊關轍不得進公亦為之停車勞慰淫淫涕下沾衣也去之二年邑父老子弟思公不已介耆民邵雲鵬等過而問計不佞願乞一言紀公德將伐石而勒之

而亭之五父之衢俾夫出者入者游而憩者一舉目而公如在焉而後吾儕之思可慰也不佞家食浸久公之行事業已習見習聞要以當情實而鮮卮言宜莫徵于輿論邑于三晉為稱首所從來矣丁戊亡年枵中已甚重以郵繻傳符之累益困憊不能支前令茲土者擊斷以為能四面畢張孱弱何所用命安丘馬令君至始一舉而更新之急之後利用寬安丘于是善為理矣公當其際而席休靜之遺有如厭成法

高平縣志

貞集

卷十

四十八

而喜紛更于暴割何有顧沉機重發操法恕施守畫一布舊章務酌時宜而使境內先是市井無賴子附宗人為羽翼禦鄉人而魚肉之又城社神奸以告密為奇貨間右循墻而走幸亡及其狎狎公曰耨不亟則莠將害苗亡寧以姑息故困吾赤子乃窮巢藪得渠魁數十人壹以重典繩之豪黨立盡一二未盡者亡不人人屏息憇罪逸之他方矣然而非公雅意也公之意務在與民休息急教化而緩誅求居常洞

門屏閭者編氓自山谷至率如家人父子持令案而
得盡言又以時周行部中延見三老詢所疾苦而次
第行之費之亡經起于多訟是邑也程伯子之過化
而堯舜禹之更都也豈其不講于禮讓而好短長申
令民間諸以訟牒來者悉罷不為理必不可罷者牒
至而質成衷則衷辟則壁明見鷓鴣之睫深探罔象
之珠即有神奸末為之彪久之訟者罕至肺石虛無
人獄故多寃趙孟陽賀一宰皆以株連而陷大辟廉

高平縣志

貞集

卷十

四十九

得其狀關白當事者改從城 春諸上大夫有不決
之詞又一一移公待理矣故事檄行保甲率取應文
新令未申伏葬者或竊發公至而長太息毋令呈呈
者燎原躬歷四境聯什伍警 擷盜有左驗必誅餘
則與之更始于是鷓冠盡稅淵藪悉夷會有令城城
在事者役方興而得代于時事屬創舉境內末不賄
賄公諭告再三如之何憚一勞而忘百利躬自為植
勿亟而事速成即蓐爾擬之金湯于以弭不逞消未

便已已稽賦稅曰徵輸亡藝即潔已同歸

民自大户直徵收顛覆相繼吾不能驟蠲其役若之何重之置櫝于門令納者自輸之櫝大户第令以時銷解總括而會計之即有羨贏分毫不及筦庫事畢寧歲省可數千金客以其私為公謀惡用見卯而求邑故稅商革矣徵里甲革矣役肆市隸之官革矣切亡名之費僅僅于此佐之不則悉取諸宮中猶恐不贍必貊而後可也公曰客休矣吾不能以

脂膏頃巨壑即諸供億亡所出愈益堅守成言乃謝交游縣書邑門客自四方來者勿闌入或怏怏有後語若罔聞知自採權役興地方騷屑已甚逞以部造不中尺幅罰及守臣各邑惴惴有戒心必饜諸寺人而後可公曰長此安極吾知勤所事脩上供足矣失得有命諸寺人何有馬會權使乘傳南至中以危言鍵關拒之迄不為動已之亡事然後知公之誠信格上可貫神明也暇則脩明古文禮樂之事周視廟

者悉新之拓路而南樹以綽楔甚偉歲時
督諸弟子殿最有差諸弟子以經術起家率其高等
比入謁亡論高下等禮之先是公始至茲時適苦旱
既而彌甚人皆以為憂公曰亡憂吾當為父老子弟
取雨竭誠露禱以萬民請命于皇天頃之甘澍遍四
郊歲不為害則曰久旱之後得無穡不及時者乎則
饑者乎蒺粟賑貸人人果其腹而後即安疫作出俸
具藥餌遣使就療之其饑疫不救率四外流人又令

里置義塚一區以掩暴骨凡此皆公精意于民視其
利病若在飢體間也是以澤究人安阜成之理得矣
謂之循吏儔曰不宜夫舉世務以吏治立石乘人而
騁其 伺上若射隼罔下若掩群藉曰不波難以希
時好矣公獨循理亡害亡用已亡矜名可以得上知
而不必為可以不得上知而不必不為有所中譏而
不為阻有所中忌而不為懼誠心直道六載如一無
根而 循吏之效可槩睹矣蓋嘗盱衡古昔而知

神雀五鳳間吏治特 天子為下璽書勞賜
徵入為公卿其吏民亦皆信愛懷思相與俎豆之迄
于今弗絕也則竊意其人必有踔絕詭跡之事為當
世所豔而史之稱之曰廩廩德讓君子而已夷考其
事仲卿廉平不苛次公用寬和為名勞來循行以富
蓄積則渤海之治也出入阡陌為民興利則南陽之
理也盖卑及鰥寡煩及泉渠細及葑藿菱芡之收賤
及牛犢鷄豚之畜屑屑盡心焉無他奇也若其並時

高平縣志

貞集

卷十

五十一

之吏摧疆抑暴成不撓之威違衆用察表難測之知
此其奇政多矣而傳循吏者顧亡取焉即如敞理劇
禁奸卓乎足述亦弗列于廩廩之流豈非以循良之
政第取綏甯化倍亡所事奇也哉公雖以遷秩行于
宦不為鼎貴乃既去而能使人繫思之久而益切也
是公論不在上而在下也向令意不在民政蘄炫俗
吾恐赫赫之名易就而蚩蚩之衆難欺即一旦都
明得意矣民亦視之若籛廬 夫桐鄉之奉嘗

壘之尸祝何以稱焉君子考得失之林知不以彼此矣公諱省身字惟誠河南西華縣人舉戊戌進士

重脩董公祠記

邑令田景新

思南人

夫記以記言記事匪記人也不知其人可乎然言事真則其人見矣董公琦正德時來令高平其蒞政若而年弘施若而事皆不及見讀縣志則一覽曠然焉新邊鄙侏儒其生也晚耳食若近心飫若遠以故讀其志不知其人此政新之病也病不克將誰使正之

高平縣志

貞集

卷十

五十二

因志見心政新之藥也志曰令行禁止美哉奕奕乎國無玩也再曰民事相安美哉洋洋乎國無瘳也又曰前有楊父後有董母美哉填填乎生死而骨肉之國盡化也數者備具而尚不知其人者未免於癡也讀往事而未免於癡此何故哉蓋往事一也有與往人同心者讀志可也不讀亦可也有有志未逮而向慕往人者此善讀志而有待者也有心知往人之是而竊以飭今之非者此巧於讀志而謬附者也新不

謂上同往人之心乃讀董公之志歷董公之祠
向慕焉而未能也敢妄記董公之言記董公之事並
不記董公之人恐識者曰此殆知往人之是而竊以
飭今之非者是亦巧者也則新千載之下有餘愧已
董公之人不以新不記而不彰也董公之德至今在
民覩其家兒瑤函真靜蘭茁其芽則人之不朽又可
知也欲求公之人者當自公之德求之豈新之所能

記

高平縣志

貞集

卷十

五十四

序

送子房王父母調河內序

王邦柱

公受 吾茲未踰半載遂調河內門人龐太
樸陳烜負笈從遊一時培植之士贈行詩歌
甚衆余作
序以贈之

余曩觀于東萊之風知掖有子房王公者文章名海
內狀不以帖括為工綜覽今古于兵食禮樂天官輿
地諸書無不抉奧探微 圖核實蓋儒冠未脫早已
裕經綸當世霖雨斯民之才之志已天下繫望公群

而待澤如儉稷寒繡旦莫恐後也比丙子捷京闈丁丑第南宮筮仕高平竊幸以群所待澤者余邑獨先被焉殘黎可為色赳矣已卯春初從戎馬倥傯中間關抵任至則真惻求瘼得所為疾苦狀輒條之諸司且將圖上宸旒也境以內肅然一清即故稱南陽不可問者憚公威易姓名潛遁去閭左晏如也甫下車屬有較士之役所品題胥忻服競誦公隻字為鍼指一時蒸蒸丕變又力言于學使者得增應舉額盖公

以文名世故于造就人文為甚殷云諸所興釐皆酌機宜而次第布之如馬如濠新猷方在播敷居未三月銓部以公調河內聞者皇皇如失怙恃聚族而語曰而亦知公之為政乎或曰鄉隅之民雖未公識但自公來耳不聞追呼之聲目不覩輿隸之迹鷄犬亦適或曰徃者過師排闥毀室靡之不出今也城門不閉士無敢入伊誰之力或曰吾九一絲一粟無不受直市于民何如市于公之倍其息或曰資吾種緩吾

吾餘十限 力以深吾耕或曰八口纔給百役如
織何似蕭狀四壁公惟寬我一切自今眠始貼席或
曰我衆嗷嗷累曰不火何以假之須與公之推食食
我或曰賦之數徵之數解之數按簿而足心如水公
之素或曰有隱必剖無抑不伸吾質吾成而已何煩
束矢與鈞金或曰灾祲未已潢池 起非公之建威
銷萌亂知焉底矧曰其寧幹止或曰餘骸久暴以蔽
以 豈惟緩我生民澤且及于枯骨已群泣曰如此

公而可使舍我去乎則奔控本道請留而兵憲李公
粹然河內人也笑應曰令而邑則予僚屬也今河內
則予父母也予亦欲以賢僚屬自予也顧能以賢父
母予人乎逕矣無復言又請之兩臺口微而言吾亦
為而計之顧未聞不得輕留之旨乎邇日事耳衡命
而再瀆奉使者將隕越是懼可若何其不謀而詣闕
者數百千人例先白銀臺曰逃矣父老情甚懇可念
聞邇者不得輕留之旨乎而晉事也衡命而再

言者將 越是懼可若何無已則擁公輿遮其
行河內迎公者遏諸境外不使人更相誠無一作居
停主久之而公竟不得去懷人窘詣上黨謁李公曰
法令今吾令也滋民乃固爭不可奪公何不以官治
之使桑梓早得慈父乎李公以上命慰諭滋父老衆
涕謂公即誼不可留顧編審非公誰屬者公乃誓于
神埒以公慎惇無告者除之稍稍以饒有力補其額
邑人率歡呼曰公之遺愛也史彌王忠文移知夔饒

高平縣志

貞集

卷十

五十七

民走諸司乞留不得至 其橋以邀之橋復葺而
公之名著杜祁公知乾未幾以治行遷鳳兩地民皆
以我公爭諸界上昔賢善政足令人繫慕者迺公俱
再覩之猗與盛矣于是公蒞河內且有曰河內古覃
懷地在太行之趾距巔北不三舍即為余郡若邑邑
之人曰往來于懷者無虛晷第惟 腸一綫扼南北
之吭一夫橫據而兩境中劃蓋無事則呼吸通焉有
事則輔車倚 者也在昔蕭王以河內險要難得

必得文武備足牧民御衆之才如寇恂者而後之建武勞佚于穎則曰賢良相去不遠河潤九里冀維城蒙福盖地得人乃重人得異地尤賴之非規規隅畫而理也今寇氛未息方耿耿窺渡河內首衝稱險要固知尹此者非公不可而近余邑甚不啻穎之于維以公控禦其地誰敢有橫據太行一片者山以北可安枕卧也由斯以往汝人蒙公福豈有量哉抑余又聞之蕭望之材優輔相元康用之更治民以

考功為平原日淺復試之左輔我皇上神聖隻千古所擢用破格例甌卜之名廣及外僚其非起家長令者至不得與館職于民功若斯重也公為高平日淺茲之河內得久治有成績司功上最而館職而甌卜可操契符焉廟堂借其經綸蒼生被其霖雨公之才志乃始大展而畢究其蘊高平也河內也摠若萬卉之噓于春陽孰匪公澤孰得私公而謂獨我澤也哉乃其兆實自余邑始宜余邑之尸祝公獨切終未易

以他境擬也

諭蝗文

叅政孫 困

予一日行野中見有伐鼓舉烽者意其捕寇而即戎就而問焉則盡田間之老農也得物狀甚怪喙剛而銛目怒而黠或振其股或掀其髯羽翼未成已學飛舞兩腋之下可達一緯余異其狀問于田父田父愀然曰子識今秋飛蝗之狀乎此其子孫而彼其父祖也官命我輩捕之余曰蝗何負于官而見捕乎田父

高平縣志

貞集

卷十

五十九

仰天泣涕曰是害吾稻黍者也王法之所不恕始吾小人謂為瑞物也炷香而祝其來既來矣則田毛山髮化為黃埃然後知其為災初以為祥後以為殃昔恨其來暮今懼其不去吾小人惟無知故若此觀子之貌類學古者乃亦懵然何哉吾小人記為兒時從村市一老生學授我一書我忘名而記其畧曰某食苗心者某食苗節者某食苗根若葉者又曰吏侵年生蠹乞貸生蠶冥冥犯法生螟賊雷無辜生賊然自

至戴白未識其形色也今雖識之反不願

余曰能盡去乎曰不能然則吾為若諭之使去可乎
曰幸甚恐不可諭耳余曰金石無情可動以誠昆蟲
無知可格以理蝗能為害亦能聽吾誠矣試掇魁傑
者數輩置于前詰之曰使汝害稼天歟人歟惟天惠
民必不使爾為吾民痛也苟官吏招汝則民何辜且
食民天也汝啖民之天以充其體膚天將汝誅矣速
去無久居頃之若有昂首揚目趨趨而股鳴者聽之

高平縣志

貞集

卷十

六十

若曰今為害者獨我乎牟人之利以饜已之欲者非
蝗乎食人之食而誤人之國者非蝗乎利口而邦之
覆磨牙而民之毒者非蝗乎故窮竒饕餮虞之蝗也
夷羿豷浞夏之蝗也受辛億萬商之蝗也蹶橐家伯
仲允聚子周之蝗也齊豹庶其牟夷黑股春秋之蝗
也儀衍申韓楊墨列惠列國之蝗也鞅睢斯高剪邯
翳欣蝗于秦者也酷吏游俠外戚佞宦蝗于漢者也
大者如是小者不可筭也自漢而下蝗日益盛民日

益病蝗日益 民日益瘠雖唐之貞觀開元間號
樂歲蝗未熄也嗚呼其為害三千餘年矣跂跂躍躍
實蕃有徒去之復生芟之愈甚其庸有既乎必有良
史特書屢書而胡獨罪予且夫節按常程無非急征
鬻獄賣判價隨輕重外托公計內為己贏若是者不
謂之蝗可乎櫃金囊白峙如山嶽爭餽苞苴道途盤
錯一筵之費或至千索咀嚼已竭未厭溪壑不稼不
穡取禾三百若是者不謂之蝗可乎大昕會朝崇朝

高平縣志

貞集

卷十

六十一

退食水珍陸 映照巾幘是中其誰羔羊正直乘馬
從徒呵哄塞衢鳴玉曳履鏘鏘步趨明旦封事問之
則無月縻都內錢日廩太倉粟輔郡致醇醴京府飾
居屋休問坎伐檀不論鼎復餼若是者不謂之蝗可
乎屯雲百萬 弱相半問其所工鍼鞞鳧鈿負米已
喘執卷已汗褒衣麗襦市廛嬉愉私茅一占終身晏
如食粟而已惡 其餘此冗兵之為煌也官如傳舍
及子孫所在 曹蟄蟄誥誥舞文冒賄齧吾本根

而黑涅復為官軍此吏胥之為蝗也傑闔廣殿金
鑊炳烜土偶蒙珠牆壁湧鈿黔首無知禍福驅煽此
夷鬼之為蝗也節察防團遙刺等官本待有功豈為
養安養安以逸坐糜厚秩率民戶百不能供一賦吏
斥歸更得廩祠豈念祠廩亦民膏脂推此以往其他
可知貴介姻族仍及僮僕倚勢逞豪飛食人肉鼓吻
弄翼道路以目凡此皆人其形而蝗其腹者也其為
民害章章如是若夫墮田之農淫浮之技曳縞之商

綦組之女徙倚市門之子假飾衣冠之士瑣瑣碌碌
者尚不與此然則豐年富歲常有數十百億萬飛蝗
在天下齧人骨髓豈特食稻黍而已況害稼者有時
害民者無期害稼者遇循吏如魯中牟則不入境今
聖天子齋居潔蠲至誠動天我雖無知將率我族顛
而遠遷矣然我輩雖去斯民終未得晏然也使若屬
未殄天下寧有豐年予聞其語書以自省且俾觀風
者述以為有位儆焉

竊鞠主人自誌實蹟文

李向春

愚晉人李姓名向春字元甫里人號稱和泉翁祖貫
沁源唐遷長平王寺有顯者後派分城北家焉明時
相傳五世祖諱桂配趙母生高祖密配吳母生曾祖
攀配程母生祖義官鶚元配張繼邢母庶秦史韓呂
史母生父壽官芝配常母嘉靖乙未甲申戊寅壬戌
孕七月生愚極弱腹腸露景母懼千方溫養劬勞致
疾幾不起踰百日始兩全庚子入籍以丁僉解累父

高平縣志

貞集

卷十

六十二

辛丑入塾館乙巳出就外傳治春秋壬子親迎于田
岳父用坤配王母嘉靖癸巳庚申丁丑庚戌生荆人
歸愚勤苦節儉蘋蘩中饋始終託之甲寅督學陳收
愚入泮乙卯常母捐壺藁葬慟甚恨不隨母地下丙
辰父絃續邵母初父蚤孤愚入學後外侮時有煩賦
莫支愚晝服勞夜繼晷險苦備嘗庚申宋督學考優
食餼於庠嗣是屢考冠群辛酉甲子不第丁卯房考
徐已拔首薦感病出闈王太守嫌非巳出擠落孫山

臨僅給牌金以獎乙巳督學表 復首錄有恩命
特拔實國學庚午復落京闈凡五科不售埋首弗試
壬午有勸選者愚巽詞謝未幾父 促之不得已赴
銓癸未考授西鄉令過里迎養不獲命單車往六月
抵任以在京誓詞謁城隍廟焚之更揭誓聯於堂無
非杜請託戒貪酷無愧為父母兩 不枉做臣子
場乃其志也舊規縣上下供費通 見年十六里自
頒規則業已徵銀四百八十兩矣 沿積弊用里

高平縣志

貞集

卷十

六十四

總里每日私貼銀二十五兩六錢愚廉知里甲盡放
歸農請上僉買辦老人八名季用 名每名給工食
銀二十五兩領徵銀管支季終清筭官補不足歲計
可省民財萬金洋河有堰灌水東三壩田然厚僅文
餘歲多衝決愚設處公費堅築厚堰長四十五丈民
且百世賴之他如補鬻校新教場旌孝子表節婦獎
善人治惡黨舉鄉約飭牌甲屏茶徒覈鹽販平二
不決訟洗十一命無影究此皆 誓詞不愧

及愚邁疾十六鄉大合民衆祈天設醮聞愚

不遠數千里赴闕保留至見編審榜衆擎易舉赴庭
叩者數萬人門擁不獲入者不知凡幾也睹離任車
攀轅卧轍至有送三五百里外者悲啼如失怙恃也
誦呂涇老去蒲語庶幾可少對君父乎丙戌省父又
憫之行愚不忍捨風燭留養丁亥父捐館尚得手扶
就木且得遷母柩同歸窀穸郭春吾公東志其墓丁
未邵母亦仙逝治喪如父卜葬期陰陽家持其說需

高平縣志

貞集

卷十

六十五

三年後愚謂不孝今七十三歲倘罪浮羅鞏何顏見
先君事迫忍悲自為母志封樹亦克襄焉嗟夫三柩
雖合一命未沾所不盡慊獨此愚歸丙戌至丁未拓
祠墓剏社學建廟闍調族黨賑親隣著有家譜家訓
面庭鏡觀錄宦遊林卧集愚拙評止足箴遺囑其他
記序詩詞書啟扁對志誅弔挽雜作若邑志人物鄉
飲正賓有國論鄉評在毀譽詎可自料哉子男六孫
男十三曾孫二十一壽八十七歲田夫人八十八歲

益竊比宋潁川陳先生堯佐自志其墓不敢銘有
記曰南國謳棠頌無虛鞅掌御北窓詠菊吟邨負折
腰米西封啗蘖令堰碣千秋鐫東卧戀椿侯壠珉

世紀

此先生世譜也以累世積惠而有象賢之胤誠為
攸宜矣何乃懸弧之期孱弱殊甚當此之時指先
生而言曰子若干人孫若干人壽躋若干歲疇其
信之泊夫成童入序彊仕作令其為偉然大丈夫

高平縣志

貞集

卷十

六十六

也不有訝而異之者乎雖然煌煌隩誓清白相傳
推斯志也與日月爭光可也卒之子姓繁衍享有
大年至今日而司馬公家聲大振天之報施善人
為何如哉余知將與李氏世家後先輝暎矣年家
後學龐太樸記

論曰三晉風淳習厚無江以南標榜好名之習士
之以文見者少矣如詩賦所傳僅空谷之音耳至
于疏說記序祇見一班未窺全豹邇者風氣漸

文章曰盛然家咎樹幟人欲登壇雌雄殆未易也嗚呼作者難識者不易豈獨今日為然哉雖然孟堅之金馬渠特允典冊虞卿之著書立說止寫窮愁蓋亦有幸有不幸焉要之士君子苟可自見安知無識韓退之於數十年後如穆伯長其人者乎

脩志紀事

高平縣志遠不可稽明嘉靖三十七年司空郭一泉先生鑿補其缺遺正其謬訛質而有體迨萬曆四十三年前令昌平劉公應召重為纂脩庠士張國經王民皞唐繼臯常毓和校閱

高平縣志

貞集

卷十


六十八

成書夏官大夫馮養志備序其事斐然可觀矣嗣是天啟年有重脩志書之令當事者止增叙文因仍舊制續加官師貢舉藏書不謹致不肖之徒刑補穢濫不足信徵順治十五年十月內奉

憲檄脩志余集闔邑紳衿公議重
務欲力剔宿弊細加核實一切孝節
義耆之科輿論弗許者不入若其裁
併彙集刪飾評斷則脩志諸公之力
居多也至於從舊志斷中或錄其全
論或採其數言蓋不欲以今日著述

掩前人之善識者自能辯之也

范繩祖克武父識



邑志為一方文獻之書既經校刻務
立關防二堂內置一大櫃兩道扃鎖
鑰匙匣入庫刷印即在公廨稟明啟
櫃印畢仍貯櫃中不得取出衙門以

防刑刻其官師舉貢續增者止取 □
一葉吏為驗刊永著為例入交代册
中有地方之責者慎之克武氏約

高平志跋
嘗覽一統志即可稱
外史曷為邑亦有之
曰今之邑古之國也
邑之乘國之史也法
為文獻邦久矣其志

高平縣志跋

郭

自弘嘉以還備之者
再三作與述幾無遺
力煌煌穿鉅典亦但
改運而後諸凡闕畧
不勝指非起而更然
之其何以為後世

邑侯范老大人勵治五
稔百廢俱興復留神
掌旂悅然以修纂為
己任循爾覈旨採訪
有謀野心延薦紳鄉
先生暨諸庠士佐求

得以共厥役未歷月
而告竣將付剞劂氏
又屬佐以文簡未竊
不揣為續貂乏詞蓋
時當鼎革共向風景
多遷以聲名文物其

乘此一壞宇嘗致
之九五曰大人虎
而孔子即以文
揚之所為以草
故而蕙鼎之
下文章莫大乎是
今

高平縣志跋

郭

三

花村百里
夜之驚輝
備明典
時所難
節閩千
而勸德
高之非
公

非信非信則弗傳獨
賴大人夜宿詠新考
最對神文誓以鐵面
為鐵草其考定名乘
者一準諸典編絕不
以成見無其中於時

高平縣志跋

郭

四

通報投畀刻期考業
抑何有兒以且情好
痛養剛繁以就簡印
舊以增新大書以極
其綱分書以詳其目
一微紫陽遺意至


分門別類，前以三書，其
之不讓，勢是後也。揚
蘇而歸，輯者，厥先生
也。執簡而較，訂者，李
趙諸先生也。供學，研
以分，劉者，二三博士

高平縣志跋

郭

五

弟子也。若夫酌其
去，而存，獨裁，獨斷，以
成一信史者，以大人
為政，予小子，何力
有焉。六，惟通，一，親，厥
以，已，一，方，一，文，一，獻



高平縣志跋

郭

六